



Adresa: **Ul. Hamdije Čemerlića 39a**  
71000 Sarajevo  
<http://www.voda.ba>

tel. +387 33 726 422  
fax. +387 33 726 414  
e – mail: [info@voda.ba](mailto:info@voda.ba)

Broj: **UP-I/25-1-40-330-9/21**

Datum: **05.10.2021. godine**

„Agencija za vodno područje rijeke Save“ Sarajevo, rješavajući po zahtjevu Investitora T.S.E „Transporti speciali Europei“ d.o.o. Kladanj za izdavanje Rješenja o prethodnoj vodnoj saglasnosti za provođenje detaljnih geoloških istraživanja i ispitivanja na parcelama označenim kao k.č. br. 418 i 420, K.O. Crijevčići, Općina Kladanj, a u cilju proučavanja okonturenog istražnog prostora te definisanja kvantitativno-kvalitativnih karakteristika mineralne sirovine krečnjaka, na osnovu člana 139. stav (1) tačka 10. Zakona o vodama („Službene novine Federacije BiH“, br. 70/06 i člana 200. stav (1) Zakona o upravnom postupku („Službene novine Federacije BiH“, broj 2/98 i 49/99) donosi

### **RJEŠENJE** **o prethodnoj vodnoj saglasnosti**

1. Daje se prethodna vodna saglasnost Investitoru T.S.E „Transporti speciali Europei“ d.o.o. Kladanj za provođenje detaljnih geoloških istraživanja i ispitivanja na parcelama označenim sa k.č. br. 418 i 420, K.O. Crijevčići, Općina Kladanj, a u cilju proučavanja okonturenog istražnog prostora te definisanja kvantitativno-kvalitativnih karakteristika mineralne sirovine krečnjaka. Ovaj vodni akt se ne odnosi na aktivnosti eksploatacije mineralnih sirovina na predmetnom lokalitetu.
2. Ova prethodna vodna saglasnost daje se za aktivnost provođenja detaljnih geoloških istražnih radova i ispitivanja na parcelama označenim kao k.č.br. 418 i 420, K.O. Crijevčići, Općina Kladanj koja se ne smatraju građenjem, ali mogu trajno, povremeno ili privremeno uticati na promjenu režima voda i ista se može koristiti u postupku dobijanja urbanističke saglasnosti za istražne radove na predmetnom lokalitetu.
3. Prethodna vodna saglasnost izdaje se na određeno vrijeme, sa rokom važenja od tri godine od dana njene pravosnažnosti.
4. Prethodna vodna saglasnost se daje pod slijedećim uslovima:
  - 4.1. Realizaciju projektovanih aktivnosti na terenu vršiti prema projektnoj dokumentaciji: Vodna studija za pribavljanje prethodne vodne saglasnosti za potrebe proširenja istražnog i eksploatacionog polja urađena od strane „Atrius projekt“ d.o.o. Živinice, juli 2021. godine.
  - 4.2. Izvođač radova je u obavezi da projektovana istraživanja vrši prema važećim tehničkim propisima, normativima, uzusima i standardima za tu vrstu radova, uz primjenu odgovarajućih mjera, a sve sa ciljem zaštite površinskih i podzemnih voda u cjelini kako u kvantitativnom tako i u kvalitativnom smislu.
  - 4.3. Prije započinjanja radova nosilac prava iz ovog rješenja dužan je riješiti imovinsko pravne odnose sa vlasnikom zemljišta na lokalitetu na kome će se vršiti istraživanja kao i za pristup istom, kao i lokaliteta za smještaj građevinske mehanizacije i ostale opreme, odnosno obezbijediti saglasnost organa nadležnog za održavanje saobraćajnica, za dionice koje će se koristiti prilikom izvođenja ovih aktivnosti.
  - 4.4. Planom organizacije gradilišta koje će se formirati u funkciji provođenja navedenih aktivnosti, treba osigurati da mjesta za smještaj građevinske mehanizacije, tečnih goriva i maziva, budu locirana izvan obuhvata zona uticaja na kvalitet podzemnih voda i na takvoj udaljenosti da ne mogu imati negativan uticaj na izvorišta.

- 4.5. Ukoliko se na prostoru predmetnog istražnog polja planiraju postaviti spremnici s gorivom, za iste je potrebno uraditi vodonepropusne posude istog ili većeg kapaciteta ili postaviti spremnike s dvostrukom stjenkom prema posebnim propisima.
- 4.6. Na prostoru istražnog polja nije dozvoljeno servisiranje mehanizacije i vozila.
- 4.7. Na istražnom polju je potrebno osigurati priručna sredstva za brzu intervenciju u slučaju izlivanja motornog ulja ili ulja iz hidrauličke strojeva (materijali za upijanje i sl.).
- 4.8. U slučaju opasnosti od zagađenja vode nastalim djelovanjem ili propustom izvođača radova potrebno je preduzeti sve neophodne mjere za sprječavanje ili ublažavanje uticaja prouzrokovanih incidentom, te spriječiti ponovni nastanak incidenta, a zatim, bez odlaganja, o tome obavijestiti nadležne organe.
- 4.9. Investitor je u obavezi da angažuje stručno lice sa osnovnim zadatkom kontinuiranog nadzora (praćenja i kontrole) nad provođenjem projektovanih aktivnosti na terenu i poštivanja uslova iz ovog rješenja.
- 4.10. Nakon realizacije projektovanih aktivnosti na terenu investitor je u obavezi da izvrši rekultivaciju zemljišta, tj. dovede istražni prostor u prvobitno stanje.
5. Nakon izrade dokumentacije o rezultatima provedenih detaljnih geoloških istražnih radova i ispitivanja mineralne sirovine krečnjaka na lokalitetu Stupari, Općina Kladanj, a prije početka eksploatacije mineralnih sirovina na predmetnom lokalitetu, investitor će zatražiti izdavanje prethodne vodne saglasnosti za ispuštanje tehnoloških otpadnih voda i aktivnosti koje mogu imati specifične uticaje na vode sa lokacije ležišta mineralne sirovine.
6. Prilikom izrade projektne dokumentacije voditi računa o ograničenjima u pogledu korištenja prostora jer je vidljivo da je zapadna granica eksploatacionog polja (potez F-G-H) u koliziji sa vodotokom Gostelja i njemu pripadajućem pojasu vodnog dobra.
7. Zahtjev za izdavanje prethodne vodne saglasnosti dostavlja se u skladu sa članom 3. i 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata („Službene novine Federacije BiH“, broj 31/15, 55/19, 41/20).
8. Investitor je dužan da prilikom realizacije projektovanih aktivnosti na terenu predvidi odgovarajuće mjere da predmetnom aktivnošću, za koju se utvrđuju uvjeti, ne bi došlo do šteta za okoliš ili nepovoljnih posljedica za vodoprivredne interese, a u protivnom je dužan iste nadoknaditi.
9. Ovo rješenje o prethodnoj vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

### **O b r a z l o ž e n j e**

Investitor T.S.E „Transporti speciali Europei“ d.o.o. Kladanj podnio je zahtjev za izdavanje Rješenja o prethodnoj vodnoj saglasnosti za provođenje detaljnih geoloških istraživanja i ispitivanja na parcelama označenim sa k.č. br. 418 i 420, K.O. Crijevčići, Općina Kladanj, a u cilju proučavanja istražnog prostora te definisanja kvantitativno-kvalitativnih karakteristika mineralne sirovine krečnjaka.

Uz zahtjev je dostavljena sljedeća dokumentacija:

- Uvjerjenje o poreznoj registraciji od 16.05.2008. godine izdato od strane Porezne uprave Kantonalni porezni ured Tuzla – ovjerena kopija,
- Rješenje o izmjenama podataka, broj:032-0-Reg-21-000868 od 04.06.2021. godine izdato od strane Općinskog suda u Tuzli - ovjerena kopija,
- Ugovor o obnavljanju ugovora o koncesiji, broj:03/1-18-9794/15 od 10.07.2015. godine zaključen dana 02.09.2020. godine sa Ministarstvom privrede Tuzlanskog kantona – kopija,
- Kopija katastarskog plana, UR. broj:05/8-1-26-458/2021-6 od 05.05.2021. godine izdata od strane Službe za geodetske, imovinsko-pravne poslove i prostorno uređenje Općine Kladanj – ovjerena kopija,
- Kopija katastarskog plana, UR. broj:05/8-1-26-458/2021-4 od 05.05.2021. godine izdata od strane Službe za geodetske, imovinsko-pravne poslove i prostorno uređenje Općine Kladanj – ovjerena kopija,

- Zemljišnoknjižni izvadak, Katastarska općina: Matijevići, broj:003-1-NAR-21-000 571 Zemljišnoknjižni uložak broj 7 izdat 15.07.2021. godine od strane Općinskog suda u Živinicama odj. Kladanj,
  - Zemljišnoknjižni izvadak, Katastarska općina: Matijevići, broj:003-1-NAR-21-000 569 Zemljišnoknjižni uložak broj 13 izdat 15.07.2021. godine od strane Općinskog suda u Živinicama odj. Kladanj,
  - Zemljišnoknjižni izvadak, Katastarska općina: Crijevčići, broj:003-1-NAR-21-000 570 Zemljišnoknjižni uložak broj 4 izdat 15.07.2021. godine od strane Općinskog suda u Živinicama odj. Kladanj,
  - Mišljenje, broj:05/2-19-4-1323/21 od 16.05.2021. godine izdato od strane Službe za geodetske, imovinsko-pravne poslove i prostorno uređenje Općine Kladanj – ovjerena kopija,
  - Izvod iz prostornog plana Općine Kladanj za period od 2014 do 2034. godine, broj:05/2-19-4-1323/21 od 16.06.2021. godine izdat od strane Službe za geodetske, imovinsko-pravne poslove i prostorno uređenje Općine Kladanj – ovjerena kopija,
  - Uvjerjenje, broj:02-11-1912/21 od 27.08.2021. godine izdato od strane Službe za budžet, finansije i poduzetništvo Općine Kladanj,
  - Punomoć podnosioca zahtjeva, broj:59/21 od 02.09.2021. godine,
  - Vodna studija za pribavljanje prethodne vodne saglasnosti za potrebe proširenja istražnog i eksploatacionog polja urađena od strane Atrius projekt d.o.o. Živinice, juli 2021. godine.
  - Dokaz o uplaćenju federalnoj upravnoj pristojbi
- Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.
- Zahtjev je u skladu sa odredbama člana 21. Pravilnika o sadržaju, obliku, uslovima i načinu izdavanja i čuvanja vodnih akata („Sl. novine FBiH“ broj:31/15, 55/19, 41/20), bio oglašen dana 23.09.2021. godine na oglasnoj ploči Agencije i u dnevnom listu „Oslobođenje“. U postupku oglašavanja nije bilo pisanih izjašnjenja, niti izjašnjenja datih usmeno na zapisnik kod nadležnog organa.
- U provedenom postupku konstatovali smo sljedeće:
- Pravno lice T.S.E „Transporti speciali Europei“ d.o.o. Kladanj vrši eksploataciju i preradu mineralne sirovine krečnjaka na površinskom kopu „Stupari“, općina Kladanj. Površina na kojoj se vrši eksploatacija iznosi 6,18 ha i nalazi se na zemljišnim česticama označenim kao k.č. br. 746, 745 i 747 K.O. Matijevići, Općina Kladanj, a sve u skladu sa Ugovorom o koncesiji potpisanim sa Ministarstvom privrede Tuzlanskog kantona i Prostornim planom Općina Kladanj za period 2014. do 2034. godine.
  - Projektovani detaljni istražni radovi i ispitivanja mineralne sirovine krečnjaka, a u cilju utvrđivanja kvantitativno-kvalitativnih karakteristika mineralne sirovine će se realizovati na parcelama označenim kao k.č. br: 418 i 420 K.O. Crijevčići, a u cilju mogućeg proširenja eksploatacionog polja za cca 4,36 ha.
  - Zapadna granica eksploatacionog polja je postavljena tako da se unutar predmetnog istražnog prostora nalazi korito rijeke Gostelje i njemu pripadajuće vodno dobro (prostor koji podliježe zabranama za planiranu aktivnost eksploatacije mineralne sirovine), o čemu treba voditi računa u postupku izrade projekata za eksploataciju mineralne sirovine.
  - Istraživanje mineralne sirovine će se izvršiti kombinacijom geoloških istražnih radova, geodetskih mjerenja i tehničko-tehnološkim ispitivanjima mineralne sirovine.
  - Izradit će se izvještaj nakon završenih terenskih i laboratorijskih radova ove faze koji će sadržavati kompletnu interpretaciju svih podataka sa svom potrebnom grafičko – tehničkom dokumentacijom. Uz geološku građu, izvještaj će obuhvatiti i kvantitativno-kvalitativne karakteristike ležišta.
  - Nakon završetka svih istraživanja izvršiti će se obrada podataka svih izvedenih radova koji će se detaljno prikazati grafičko-tehničkom dokumentacijom, uz određivanje ekonomske

vrijednosti potencijalnog ležišta. U skladu sa propisima kabinetski radovi će rezultirati Elaboratom o klasifikaciji, kategorizaciji i proračunu rezervi građevinsko- tehničkog kamena.

➤ Sva istraživanja će se provoditi fazno tako da prethodna usmjeravaju dalja ili u potpunosti zaustavljaju dalja istraživanja.

Svi rezultati i prikupljeni podaci terenskih istraživanja te prikupljena ostala dokumentacija, obradit će se kabinetski, savremenim metodama obrade i sadržajem u skladu sa Zakonom o geološkim istraživanjima Federacije BiH (Sl. novine FBiH br. 09/10, 14/10), Pravilnikom o sadržini projekata i elaborata geoloških istraživanja (Sl.list R BiH br. 16/93), Pravilnikom o klasifikaciji, kategorizaciji, proračunu rezervi podzemnih voda i vođenju evidencije o njima ("Sl. novine FBiH br. 85/17).

Istraživanja imaju karakter detaljnih geoloških istraživanja u smislu Zakona o geološkim istraživanjima („Službene novine F BiH“ broj:9/10 i 14/10).

Programirane radove treba da radi istraživačka organizacija koja ima pribavljeno odobrenje od nadležnog Federalnog ministarstva energije, rudarstva i industrije. Nadzor nad izvođenjem radova može vršiti lice koje zadovoljava uslove propisane Zakonom o geološkim istraživanjima.

Na osnovu prednjeg i provedenog postupka, a shodno članu 111. Zakona o vodama, članovima 5. i 17. stav 1. tačka 16 Pravilnika o sadržaju, obliku, uslovima, načinu izdavanja i čuvanja vodnih akata, („Službene novine Federacije BiH“, broj 31/15, 55/19, 41/20), a u svrhu smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, podnosiocu zahtjeva su ovim vodnim aktom, tačkom 3. i 4. dispozitiva rješenja, shodno odredbama Zakona o vodama, Pravilnika o sadržaju, obliku, uslovima i načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije propisani uslovi koje je Investitor dužan ispuniti prilikom izvođenja detaljnih istražnih radova mineralne sirovine krečnjaka na parcelama označenim kao k.č. br: 418 i 420 K.O. Crijevčići, Općina Kladanj.

Podnosilac zahtjeva je izvršio uplatu posebnih troškova koji su nastali u postupku donošenja rješenja o prethodnoj vodnoj saglasnosti, u skladu sa Zaključkom o visini i roku za plaćanje posebnih troškova, broj:UP-I/25-1-40-330-8/21 od 30.09.2021. godine.

Podnosilac zahtjeva je uplatio upravnu taksu u iznosu od 80,0 KM u skladu sa članom 7. stav 1. tarifni broj 43. Zakona o federalnim upravnim taksama („Službene novine F BiH“, broj 6/98 i 43/13).

#### **Uputa o pravnom lijeku:**

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja. Žalba se podnosi neposredno pismeno ili preporučeno putem pošte ovom organu i taksira se sa 15,0 KM administrativne takse, prema tarifnom broju 3. Tarife federalnih administrativnih taksi.

Obradivač akta:

mr Selma Merdan, dipl.inž.geol.

Po ovlaštenju  
Rukovodilac sektora za izdavanje vodnih akata

*Haris Anđehović*

Haris Anđehović, dipl.inž.građ.



Dostaviti:

- T.S.E „Transporti speciali Europei“ d.o.o.
- Stupari centar b.b., 75283 Stupari-Kladanj,
- AVP Sava, ISV-vodna knjiga,
- Sektor 40 – arhiva,
- Oglasna ploča - AVP Sava